



Arbeitsversion RM

Lescha

**davart l'organisaziun dalla vischnaunca Ilanz/
Glion (Lescha d'organisaziun; Ldo)**

dils 19-02-2014 (versiun dils nunenconuschent)

Il parlament communal dad Ilanz/Glion,

Sebasond sin art. 35 lit. a ed f dalla constituziun communal dad Ilanz/Glion (CC, LIG 11.1), suenter envesta el messadi dalla suprastonza communal dils 27 da schaner 2014,

decida:

I. Disposiziuns generalas

1. General

Art. 1 Object

¹ Questa lescha reglescha:

- a. ils dretgs e las obligaziuns dils commembers dalla suprastonza communal, dil cussegl da scola, da cumissiuns communalas e da representanzas en organisaziuns regionalas (el suadont numnai commembers);
- b. las incumbensas, l'organisaziun ed il proceder dalla suprastonza communal, dalla cumissiun da quen e gestiun, dil cussegl da scola, dalla direenziun e dall'administraziun;
- c. l'organisaziun ed il proceder dallas cumissiuns;
- d. la relaziun denter la suprastonza communal, la direenziun, l'administraziun e las cumissiuns.

Art. 2 Dretg subsidiar

¹ Questa lescha vala aschinavon che la constituziun communal ni las disposiziuns da dretg special statueschan buc enzatgei aufer.

² Aschinavon ch'ei vegnan buca pridas disposiziuns en questa lescha ein stipulaziuns dad autras decrets dalla vischnaunca e subsidiarmein il dretg cantunal d'applicar a moda analoga.

Art. 3 Perioda d'uffeci

¹ La niev elegida suprastonza communal elegia: *

- a. * il vicepresidente per dus onns, ina reelecziun ei pusseivla;
- b. * commembers dallas cumissiuns per quater onns.

Art. 4 Discreziun e publicaziun d'informaziuns

¹ Las sesidas ein buca publicas. Las tractativas ein da tener discretas.

² La publicaziun d'informaziuns sedrezza tenor las directivas dalla suprastonza communal.

2. Dretgs ed obligaziuns dils commembers**Art. 5** Participaziun allas sesidas

¹ Ils commembers ein obligai da separticiar allas sesidas. Perstgias motivadas ein d'annunziar al president sil pli tard duas jamnas avon che la sesida ha liug. Ils nums dils absents ch'ein seperstgisai e ch'ein buca seperstgisai ein da remarcar el protocol.

Art. 6 Prender stgisa

¹ In commember ha da prender stgisa tier tractativas e votaziuns davart fatgs ch'el sez ni ina persuna che stat cun el en relaziun tenor art. 17 al. 1 dalla costituziun communal ha interess direct e personal.

Art. 7 Dretg da sclariment

¹ Ils commembers han il dretg da retscheiver sclariment dall'administraziun en connex cun lur lavur e culla resalva dil secret d'uffeci. Els san prender investa ellas actas aschinavon che quellas ein buca suttamessas al secret d'uffeci.

Art. 8 Salari, indemnizaziuns e spesas

¹ Ils commembers han il dretg sin in salari, ina pauschala ni ina indemnizaziun per sesida e tut tenor era sin ina contribuziun per cuvierer ils cuosts da viadi e da proviantaziun. Ils detagls vegnan reglai ella lescha davart l'indemnizaziun d'autoritads e cumissions¹⁾.

Art. 9 Mesiras disciplinaras

¹ Sch'in commember cunterfa allas prescripziuns davart uorden e proceder sa il parsura, suenter haver admoniu ed el cass repetitiv:

- a. retrer al commember il plaid;
- b. sclauder el maximalmein pil cuoz restont dalla sesida.

² Sch'in commember cunterfa a moda greva allas prescripziuns davart uorden e proceder ni sch'el violescha il secret d'uffeci sa la suprastanza communal:

- a. dar ina reprimanda;
- b. sclauder il commember tochen maximal sis meins.

³ Al. 1 lit. b ed al. 2 valan buca per commembers dalla suprastanza communal.

Art. 10 Scamond d'acceptar schenghetgs

¹ Per lur occupaziun ufficala astgan ils commembers da principi buca acceptar schenghetgs ni far valer auters avantatgs.

² Excepi ein schenghetgs ch'ein usitai ella situaziun concreta e ch'ein da valeta irrelevant.

3. Sesidas**Art. 11** Sesidas

¹ Il president ni siu substitut convochescha las sesidas schi savens che las tractandas pretendan quei. Dapli ch'ina tierza dils commembers sa pretender ina sesida extraordinaria.

¹⁾ LIG 14.1

Art. 12 Invit ed actas da sesida

¹ Igl invit e las actas vegnan tarmess sil pli tard tschun dis avon la sesida. Da principi succeda quei a moda electronica. Sch'els vegnan tarmess memia tard vegnan las tractandas tractadas mo sch'ei vegn decidiu d'entrar en quellas.

Art. 13 Decuors dalla sesida, parsura

¹ Il parsura ei responsabels ch'ei vegni seteniu ellas sesidas vid igl uorden ed il respect.

² All'entschatta dil tractament vegn la fatschenta presentada, silsunter suonda la discussiun. Il parsura dat il plaid tenor la successiun dallas annunzias. Il plidader ha da restar tier la fatschenta. Davart ina proposta per finir la discussiun eis ei da votar immediat.

³ Propostas da buca entrar en tractandas han da succeder avon l'entschatta dalla discussiun. En in tal cass ha la discussiun da semover mo en connex culla proposta fatga davart il proceder.

Art. 14 Cumpetenzza da concluder, votaziuns ed elecziuns

¹ La cumpetenzza da concluder ei dada sche silmeins la mesadad dils commembers ein presents.

² Tier votaziuns ed elecziuns vala il pli absolut dils commembers presents. Tier egalitad dallas vuschs decida il parsura, tier elecziuns la sort. Mintga commember ei obligaus da dar giu la vusch culla resalva dallas disposiziuns davart il prender stgisa.

Art. 15 Protocol

¹ Il parsura nominescha in actuar.

² Ils conclus ed ils puncts essenzials da discussiun ein da protocollar. Il protocol ei da suttascriber digl actuar e suenter ch'el ei vegnius approbaus medemamein dil parsura dalla sesida.

³ Mintga commember ha il dretg da dar a protocol siu pareri che variescha da quel dalla pluralitad.

Art. 16 Via da circulaziun

¹ En cass urgents e sch'igl ei buca pusseivel d'organisar ina sesida enteifer in termin nizzateivel sa in conclus vegnir prius sin via da circulaziun.

² Per conclus da circulaziun drova ei il consentiment d'ina pluralitad dils commembers e quels ein da prender si el proxim protocol.

II. Suprastonza communal**4. Suprastonza communal****Art. 17** Funcziun e cumposiziun

¹ La suprastonza communal ei l'autoridad suprema directiva ed executorica. Ella survigilescha scadin process da gestiun e sa surdar las directivas necessarias.

Art. 18 Incumbensas

¹ Las incumbensas dalla suprastonza communal sedrezzan tenor art. 40 dalla costituziun communal. Leutier s'audan en emprema lingia las suandontas incumbensas cun cumpetenzas da decider:

- a. relaschar ordinaziuns, aschinavon ch'il parlament ei buca cumpetents;
- b. fixar las finamiras dalla legislatura;
- c. planisar las finanzas;
- d. planisar las plazzas;
- e. directivas pertuccont la comunicaziun interna ed externa;
- f. investiziuns ella limita dil preventiv;
- g. decisiuns davart damondas da baghegiar culla vischnaunca sco patruna da baghegiar;
- h. decisiuns davart damondas da baghegiar, sin basa dad art. 82 LPT¹⁾;
- i. recuors en connex culla procedura per la lubientscha da baghegiar.

¹⁾ Lescha davart la planisaziun dil territori dil cantun Grischun (LPT; DG 801.100)

Art. 18^{bis} * Ressorts

¹ Las incumbensas communalas ein da partger sin ressorts. Mintga commember dalla suprastonza ei responsabels per la surviglonza dad in ressort sco era per la direcziun dallas fatschentas politic-strategicas.

² La suprastonza communal decide mintgamai all'entschatta d'ina perioda d'uffeci davart la repartiziun ed attribuziun dils ressorts e dalla substituziun. Ella orientescha il parlament communal en caussa.

Art. 19 Giuntas

¹ La suprastonza communal sa formar giuntas.

² Quellas preparan cussegliazions e decisiuns dalla suprastonza communal e meinan pil collegi contractivas cun autras autoritads, instituziuns ni cun privats.

Art. 20 Secret d'uffeci

¹ El cass d'in process civil, penal ni administrativ sa la suprastonza communal autorisar in commember da dar perdetga ni da surdar actas davart objects che suttastattan al secret d'uffeci.

Art. 21 Delegar incumbensas

¹ Incumbensas administrativas ch'ein attribuidas ad ella tras lescha ni ordinaziun sa la suprastonza communal delegar en general ni el cass singul allas unitads administrativas suttamessas.

² Delegar cumpetenzas cull'intenziun da relaschar conclus administrativs ei mo lubiu sche quei schabegia tras ordinaziun.

5. President communal**Art. 22 Pensum da lavur**

¹ Il pensum da lavur dil president communal munta 80 pertschien. *

Art. 23 Occupaziun accessoria

¹ Las occupaziuns accessoricas astgan buca menar a negligientscha da sias obligaziuns respectiv ad in conflict d'interess envierns la vischnaunca. La suprastonza communal sto en mintga cass vegnir informada. *

III. Administraziun communal**6. General****Art. 24** Structuraziun

¹ L'administraziun communal ei structurada en quater spartas. Quellas cumpeglian unitads administrativas ch'eiin suttamessas ni repartidas administrativ ad ellas. Ils detagls determinescha la suprastonza communal ell'ordinaziun. *

² El rom dallas prescripziuns legalas san purtaders ordeifer l'administraziun communal surpender incumbensas administrativas.

Art. 25 Collaboraziun

¹ Enten exequir lur lavur ein las unitads administrativas obligadas da collaborar ina cun l'otra.

² Per tractar fatschentas impurtontas sa la suprastonza communal incaricar gruppas da lavur specialas, cumissiuns, conferenzas ni organisaziuns da project dallas qualas era experts externs san far part.

7. Direcziun**Art. 26** Cumposiziun

¹ La direcziun secumpona dil president communal, dil menader canzlia, dil menader finanzas, dil menader planisaziun e construcziun sco era il menader dils menaschis comunals e dil menader da scola pils fatgs generals e da lur secturs. Per cussegliaziuns dil fatg sa la direcziun clamar ulteriuras personas a sias sesidas. *

Art. 27 Incumbensas

¹ Las incumbensas dalla direcziun sedrezzan tenor art. 48 dalla constituziun communal. Leutier s'audan oravontut las suandontas incumbensas cun cumpetenzas da decider:

- a. relaschar reglaments e directivas ch'ein necessarias per ademplir las incumbensas;
- b. engaschar ils collaboraturs dalla vischnaunca excepui ils commembers dalla direcziun;
- c. exequir la communicaziun interna ed externa;
- d. damondas da contribuziuns el rom dil preventiv;
- e. surdar lavur el rom dil preventiv;
- f. decider damondas da baghegiar ch'ein buca ella cumpetenzza dalla suprastonza communal;
- g. * decider damondas per lubientschas d'ustria sebasond silla lescha d'ustria cantunala e communal;
- h. * conceder lubientschas per duvrar localitads publicas sco era per fiugs artificialis.

IV. Disposiziuns finalas**Art. 28** Ordinaziun

¹ La suprastonza communal relai ina ordinaziun davart l'organisaziun dalla vischnaunca, oravontut:

- a. igl andament da gestiun ella suprastonza communal;
- b. la structuraziun organisatorica dallas unitads administrativas els tracts fundamentals;
- c. il dretg da suttascriber per la suprastonza e l'administraziun communal.

Art. 29 Entrada en vigor

¹ La lescha presenta ei suttamessa al referendum facultativ.

² La suprastonza communal decida il mument dall'entrada en vigor da questa lescha.¹⁾

¹⁾ Mess en vigor ils 15-08-2014 cun conclus dalla suprastonza communal diils 28-07-2014.

³ Cull'entrada en vigur da questa lescha vegnan abrogadas las disposiziuns dad auters decrets che stattan en cuntradiziun cun quella.

Tabella dallas modificaziuns - tenor conclus

Conclus	Entrada en vigor	Element	Modificaziun	Publicaziun CRS
19-02-2014	15-08-2014	relasch	emprema versiun	-
nagina indicaziun	nagina indicaziun	Art. 3 al. 1	midada	-
nagina indicaziun	nagina indicaziun	Art. 3 al. 1, a.	integraziun	-
nagina indicaziun	nagina indicaziun	Art. 3 al. 1, b.	integraziun	-
nagina indicaziun	nagina indicaziun	Art. 18 ^{bis}	integraziun	-
nagina indicaziun	nagina indicaziun	Art. 22 al. 1	midada	-
nagina indicaziun	nagina indicaziun	Art. 23 al. 1	midada	-
nagina indicaziun	nagina indicaziun	Art. 24 al. 1	midada	-
nagina indicaziun	nagina indicaziun	Art. 26 al. 1	midada	-
nagina indicaziun	nagina indicaziun	Art. 27 al. 1, g.	midada	-
nagina indicaziun	nagina indicaziun	Art. 27 al. 1, h.	midada	-

Tabella dallas modificaziuns - tenor element

Element	Conclus	Entrada en vigor	Modificaziun	Publicaziun CRS
relasch	19-02-2014	15-08-2014	emprema versiun	-
Art. 3 al. 1	nagina indicaziun	nagina indicaziun	midada	-
Art. 3 al. 1, a.	nagina indicaziun	nagina indicaziun	integraziun	-
Art. 3 al. 1, b.	nagina indicaziun	nagina indicaziun	integraziun	-
Art. 18 ^{bis}	nagina indicaziun	nagina indicaziun	integraziun	-
Art. 22 al. 1	nagina indicaziun	nagina indicaziun	midada	-
Art. 23 al. 1	nagina indicaziun	nagina indicaziun	midada	-
Art. 24 al. 1	nagina indicaziun	nagina indicaziun	midada	-
Art. 26 al. 1	nagina indicaziun	nagina indicaziun	midada	-
Art. 27 al. 1, g.	nagina indicaziun	nagina indicaziun	midada	-
Art. 27 al. 1, h.	nagina indicaziun	nagina indicaziun	midada	-